

FAAMASINOGA O FANUA MA SUAFA

Mataupu Faatulaga i Tuasivi 2023 (Fepuari 01)

SALELOLOGA:

1. FSS.22.103T3 – Tofia o Matamua Vili e avea ma Tu’ua o le Falefia i Salelologa.
 - i) Talosaga FSS.22.103.T3 – Matamua Vili, Taotua Fonofili, Pipi Uale *faasaga ia 1. Pipi Solomon, 2. Fonoia Taifau.*
 - *Ia faatumauina le Tofi Tuua o Matamua Vili o loo feagai nei ma le nuu, ua finagalo malilie iai le Falepulega i le Falefia ma ua lagolagoina e Alii ma Faipule o Salelologa atoa, ua maea foi ona faapaia e Faifeau ma le nuu atoa i Malaefatu, ma ia faatumauina pea le faate’aina o Fonoia Taifau ma lona aiga e tusa o le Sainigalima o le faaiuga a Alii ma Faipule o Salelologa i le aso 27 o Setema 2022, ma ia soloia ma faaleaogaina le tofi Tuua o Fonoia Taifau sa fai faamalosi e nisi matai fouvale o le Falefia ona e le tusa ma le faavae o le nuu, ua faamaonia i le sainigalima a Alii ma Faipule o Salelologa i le aso 27/9/2022, ma o le faaiuga o le Faamasinoga o loo taua mai e le itu tetee e faapea o loo aofia ai Fonoia i le Falefia, e gata lava i le Falefia ma lana Falepulega, ae a fonoa loa Malaefatu e le aofia i le toaono o le Falefia ma le Falesalafai e tusa o le faavae o le nuu, ma e le’i faia e le Tuua ia Taotua Ioane ua tuumalo se fono faapitoa a le nuu i Malaefatu e soalaupule ai se teuteuga poo se suiga o le faavae o le nuu i le igoaipu a le Susuga i le Papaliitele e faapea, “Numia ma le To’aono,” ma ua tatau ma talafeagai lelei le faaiuga i le Falepulega a le Falefia e faate’a Fonoia Taifau ma sul i o Fonoia Moles, ma ua lagolagoina e Alii ma Faipule o Salelologa atoa, ona o le faamauualuga, faasiliaupule ma le soli faavae.*

SALELOLOGA:

2. FSS.22.117T2 – Fanua o SATUNULAUTI/SILAI'A i Salelologa.

i) Talosaga FSS.22.117T2 – Seumanu Viliamu Seumanu, Seumanu Elia Seumanu, Seumanu Greta Seumanu, Rev Seumanu Lemuelu Seumanu faasaga ia Sili Matautia Rula Levi.

- *Ia faamaonia o le maota i Silai'a e gata lava i tai ma e le oo mai i uta i le vaega o le laoa o Satunulauti o loo faia ai le fale o Seumanu ma lona aiga o loo finau ai, ma ia faamaonia loa le faatumauiina o le fale poo le laoa o Seumanu e pei ona finau ai ona o loo faia lava i luga o le tulaga laoa o Seumanu o Satunulauti, ma ia teena vaega uma o le talosaga a le itu tetee ona e le malamalama e le'i feola i Sapulu Salelologa ma e le maua ai se nofo fealofani o lenei mataupu, ma o le fanua o Satunulauti e pulea e le suafa Seumanu lea o loo umia e le itu tagi, ma o le fuaiala o Sapulu ua manino ona maota ma le laoa, e pei o le maota i Silaia e faasino i le suafa Sili, maota o Matanofo e faasino i le suafa Tuilimu, maota o Faato'alua e faasino i le suafa Euga, ae tasi lava le laoa o Satunulauti e faasino i le suafa Seumanu, ma o le sainigalima o le 1975 ma le faaiuga ALC5446P1-P2 i le 2000 e mamao i tai e latalata i le sami, ae o le vaega o Satunulauti o loo faatino ai le laoa o Seumanu e latalata i le alatele o le malo i uta ma o le a faamanino atili i le aso o le Faamasinoga.*

SALELAVALU:

3. FSS.22.018T.2 – Suafa TAGALOA i Salelavalu.

i) Talosaga FSS.22.018T.2 – Tofilau Rodney Chang, Tofilau Maika Chang, Taelegalolo'u Chang faasaga ia Tagaloa Chang.

- *Ia faamaonia le umiaina e Tofilau Rodney Chang o le suafa Tagaloa ona sa faia i le pule a sa'o o le aiga faatasi ai ma le maliliea a le aiga potopoto, ma ia poloaina loa le itu tetee ina ia aua nei ona toe aiaina se finagalo ua autasi iai sa'o o le aiga faapea suli uma o loo nonofo i le aiga, o le itu tagi o isi ia suli moni o le suafa ma le aiga ma o loo tautua ma asu le vai i le aiga i le taimi nei, ae o le itu tetee e matua leai ma se tautua o faia i le aiga, ma e le talafeagai foi le taofiga ua faia e le itu tetee ona e le tatau ise suli ona ia taofia ni nofo na faia e sa'o o le aiga ma o se talosaga soonafai ua le tusa ai ma le tulafono, ma e leai foi se aia a le itu tetee na*

te taofia ai le nofo a le itu tagi e le na'o le itu tagi foi na faia lana nofo e tele isi nofo na faia faatasi ma le nofo a le itu tagi.

IVA:

4. FSS.22.073T2 – Suafa FONOTI o Iva.

i) Talosaga FSS.22.073T2 – Fonoti Tofilau Moeloa, Tuiavea Uili faasaga ia Fonoti Iuogafa, Tagaloa Taliafi.

- *Ia faamaonia nofo uma ua maea ona faatino i le suafa Fonoti o Iva e pei ona faasalalau mai i le Savali 28/02/2022 ma le 28/03/2022 ona ua malilie uma iai suli o le suafa Fonoti, ma o le itu tagi ma le itu tetee o suli uma o Fonoti Matavaaoletooa e tusa ma le Faaiuga a le Faamasinoga o Talosaga ALC.6972P1-P2 o le aso 03/12/2020, ma e tele feiloaiga a Sa'o ma suli o le suafa Fonoti sa faatino aua le tapenaina o le faamoemoe o le aiga ma sa logo lava le itu tetee i taimi uma, ma ua tasi moemoe suli uma o Fonoti Matavaaoletooa i nofo e pei ona faatinoina e aofia ai ma isi tino o le itu tetee, vagana ai lava Fonoti Iuogafa e faaaliali lava ona uiga faasausili, faamaualuga ma le faatupu vevesi i taimi uma e oo atu ai i tauaofiaga a le aiga potopoto, o le faatinoina foi o nofo ua mafua ai lenei finauga o le faamaoniga lea o le autasiga ma le fealofaniga o suli o Fonoti Matavaaoletooa e tusa ai o feeseeseaiga sa tulai i taimi ua tuanai.*

FATAUSI:

5. FSS.22.116T1 – Suafa TAUILIILI o Fatausi.

i) Talosaga FSS.22.116T1 – Tauiliili Leo Bartley, Tauiliili Tuvale, Tuilagi Iakopo, Uga Alaelua faasaga ia Too Iese (Paulo).

- *Ia soloia loa ma faaleaogaina le nofo a Too Iese ua fai i le suafa Tauiliili i O'a Fatausi ma ua faasalalau i le Savali 28 Setema 2022, ma ia taofia le itu tetee mai le faia o uiga faatupu vevesi faapenei e lepeti ai le nofo filemu ma le fealofani o Sa'o ma suli o le suafa Tauiliili o lenei aiga, ma o le pule o le suafa Tauiliili i O'a i Fatausi e iai lea i suli poo le aiga potopoto, ma o se nofo foi i le suafa Tauiliili i O'a, faatoa faia pe a fai ua iai se maliega a suafa Tauiliili o loo iai i le taimi nei. faapea le Aiga Potopoto, ma e lei faia se maliega a le itu tagi ma suli uma o le*

suafa Tauiliili i le faatinoina o lenei nofo ua faia faamalos i le itu tetee, ma sa faia foi e aunoa ma le logoina o le aiga o loo iai i le taimi nei faapea le aiga potopoto.

FOGAPOA:

6. FSS.22.094T.3 – Fanua o VAIOGATA i Fogapoa.

i) Talosaga FSS.22.094T.3 – Su Pataialii Sofaea F.Tanielu Alo, Lagaasa Fepuleai Tavita R.Lupematasila, Ieti Fepuleai Reti Lupematasila faasaga ia 1. Su Alesana Sopo, 2. Taulapapa Tua, Su Nuuumoa Namulauulu.

- *Ia faamaonia loa ise faaiuga o le Faamasinoga o le pule o le fanua o Vaiogata ua finau ai nei e iai lea ia Fepuleai Taalolo ma ona suli toto moni lea e suli mai ai le itu tagi, ma e leai lava se aia o le Suafa Su i lenei fanua, ma e talosagaina le faaaogaina loa o mea toto uma o loo i luga o lenei fanua i se taimi lata mai ma tuuina atu loa se Poloaiiga i le itu tetee ina ia taofia loa le toe aiaina e soo se tasi o i latou lenei fanua, ma o le fanua i Vaiogata ua finau ai nei, e pulea lea e Fepuleai Taalolo ma ona aiga o suli tautoto i Fogapoa ma isi alalafaga, ma o le tele o lenei fanua e tusa ma le 8 eka, tele pe itiiti, ma o loo faamauina i le ofisa o Faamasinoga ni faafanua o lenei fanua ma ona tuaoi sa tusia ina ua faalavelaveina muamua e nisi aiga i tausaga ua mavae atu, ma e le faamaonia se mavaega a Fepuleai Taalolo poo sona suli e iai Fepuleai Vaatausili le mau e faapea, sa tuu atu le faaaogaina o lenei fanua i se tasi, ma e matua leai lava se aia a le suafa Su poo se isi tagata ese i le fanua lenei e pulea e Fepuleai Taalolo ma ona suli lea e iai le itu tagi, ma sa leai lava ni vevesi a tuua ua mavae atu i le suafa Su i lenei fanua.*

LANO:

7. FSS.22.086T.2 – Fanua o LUUGA i Lano.

i) Talosaga FSS.22.086T.2 - Vui Seinafolava Maaleale Rimoni, Lisi Esera faasaga ia Vui Tafilipepe Luaao, Vui Umumalu Tamiano Malaeulu.

- *O le fanua ua finau ai o se vaega o Luuga le fanua e pulea e le suafa Vui Seinafolava Maaleale e pei ona faamaonia e le Faaiuga ALC.7418 i lona vaega 2, ma o le talosaga a le itu tetee e faapea e tuaoi lo matou fanua o Luuga ma se fanua*

o latou e igoa ia Anini o se faamatalaga sese, aua e leai se fanua e igoa o Anini e tuaoi ma lo matou fanua o Luuga, e pei lava ona matou faamanino i le ALC.7418, ma o le fanua foi ua finau ai o se vaega o lo matou fanua o Luuga na o latou nofoia i luga o le pule a le suafa Vui Seinafolava Maaleale, o tuaoi o lea vaega o le fanua o Luuga o loo iai latou nei e faapea, Saute ma le auala galue, Matu ma se vaega o Luuga, Sisifo ma se vaega o Luuga, Sasae ma se vaega o Luuga, ma o le faapea mai o le itu tetee i le latou talosaga i lona vaega 1, o le ALC.7418 o le aso 12/03/2020 ua faamaonia ai le tuaoi o le fanua o Luuga o le Itu Tetee ma le fanua o Anini o le itu tagi o se taufaasese i le Faamasinoga aua e matua leai se fanua e igoa ia Anini na faamaonia i lona faaiuga, ae ua na o Luuga, ma ua leva ona fautuaina e Vui Seinafolava Maaleale Rimoni ia Vui Tafilipepe Luaao ma Lili ina ia nonofo lelei ma fealofani ma isi o le aiga o loo nonofo faatasi ma Lili i le fanua o Luuga ae paga lea ua le mafai lava, ma o le pa maa o loo taua na ati sa faia i le va lelei ma Vui Luaao ma sa iai foi o ia i le aso na ati ai lea pa ma tapuai ai ma aai faatasi ai, ma ua galulue ai foi e o loo nonofo ai, ua le iloa la le uiga o lenei mea ua ia fai.

PUAPUA:

8. FSS.22.129T.1 – Fanua o VAOVAI i Puapua.

i) Talosaga FSS.22.129T.1 – Edward Ugapo Eves, Rev Setu Pitone, Ugapo Wayne Eves, Leiataualesa Lancelot Ugapo Eves, Tavui Anne Ugapo Laumea, Seiloa Paletasala faasaga ia Alii ma Faipule o Puapua ma Peseta Tevaga Vaifou.

- *Ia faamaonia loa le faaleaogaina o lenei faasalalauga mo le tanuina o le fanua o Vaovai mo le faamoemoe e fausia ai le fale o le itumalo, ma ia faamaonia o lenei fanua e pulea e le suafa Ugapo i suli o Ugapo Leuo II ae teena le pule a Alii ma Faipule e pei ona latou faatino ai lenei faasalalauga i le Savali 28/10/22, ma ia faamaonia foi i lenei faamasinoga mamalu e leai se fanua o Ugapo Galue e pei ona taua i le faasalalauga e faapea e tuaoi i Sasae ma Ugapo Galue, ma e leai foi se suafa Ugapo Galue i totonu o le matou aiga, ma o le fanua ua faatino ai lenei faasalalauga e pulea e le suafa Ugapo Fo'efa'i suli o le ituaiga Leuo II, ma o le faatinoina e le itu tetee o lenei faasalalauga mo le tanuina o le fanua o Vaovai mo le faamoemoe e fausiaina ai le fale o le itumalo e le'i iai se maliega a le itu tagi aua o matou o suli moni a Ugapo Fo'efa'i lea e pulea lenei fanua.*

SAMALAEULU:**9. FSS.22.121T1 – Suafa VAIFALE i Samalaeulu ma Leauvaa.****i) Talosaga FSS.22.121T1 – Vaifale Leuluaialii Lui Leota, Vaifale Sepa Afe, Vaifale Tasala Mataiumu faasaga ia Vaifale Palota, Vaifale Mataiasi Lui Avau.**

- *Ia soloia loa ma aveese le suafa Vaifale o le fuaifale o Vaifale Aiesi i Samalaeulu ma Leauvaa mai ia Vaifale Mataiasi Lui Avau, ma o le itu tagi ma Vaifale Palota o le itu tetee o sulii moni ia o le suafa Vaifale o le fuaifale o Vaifale Aiesi, o Vaifale Mataiasi Lui Avau o le sulii tautua i le suafa Vaifale o le fuaifale o Vaifale Aiesi, ma o Vaifale Mataiasi Lui Avau ua ia faatauvalea le aiga, e faatupu vevesi ma ua ia fuaa nofo o le fuaifale o Vaifale Aiesi i Leauvaa ma Samalaeulu, ma e leai se saofai aloaia na faia a Vaifale Mataiasi Lui Avau ma e le alagatatau ai ona ia faaoga le suafa Vaifale o lenei aiga.*

MAUGA LEALATELE:**10. FSS.22.119T.1 – Suafa TEVAGA i Mauga, Lealatele.****i) Talosaga FSS.22.119T.1 – Resitara o le Faamasinoga o Fanua ma Suafa.**

- *Ia faamaonia faaletulafono le Faasalalauga mo le fia faia o nofo a Aifaatasi Lilo, Talosaga Falesefulu, Ilalio Tanielu Lagaaia, Alefosio Falesefulu, Vai Palota ma Penitito Lole i le Suafa Tevaga i le itupaepae o Tupuivao i mauga, Lealatele e pei ona faasalalauina i le Savali o le aso 28 Setema 2021, ma ia faia loa se poloaiga a le Faamasinoga Mamalu e faamaonia ai faaletulafono lenei faasilasilaga ona e maea le fa (4) masina o le Faasalalauga e leai se faalavelave na toai i le Ofisa i Mulinuu ma le Ofisa i Tuasivi.*

SAMAUGA:**11. FSS.22.120T1 – Fanua o NIUTULUA i Samauga.****i) Talosaga FSS.22.120T1 – Lauulu Tifaga, Tumanuvao Ioapo, Vaifale Paese, Ta'ulelei Paese faasaga ia Soalo Ipa.**

- *Ia faamaonia loa i se faaiuga a le Faamasinoga mamalu o le pule o se vaega o le fanua o Niutulua o loo finau ai e iai lea ia Au Agalevai ma ona suli, ma ia faamaonia foi o le fanua o Niutulua e pulea e le suafa Au e suli mai ai le itu tagi, ma ia faia loa se faaiuga a le Faamasinoga e talaese ai le fale o le itu tetee ua fausia i luga o se vaega o le fanua o Niutulua ona e lei iai se maliega a le itu tagi, o lenei vaega o le fanua lea e fausia ai le fale o le itu tetee ua maea ona faapule faamau e Au Agalevai i le tausaga 1904 ma Lisi atu ia Louis Schmidt ma faamaonia ai e le Ofisa o Eleele ma le Matagaluega o Fanua ma Suafa i le tausaga 1909, ma ua maea foi ona faatino le fuataga o le vaega lea o le fanua i le tausaga 1910 ina ua faamalieina vaega uma faaletulafono, ma o le fausia foi o le fale o le itu tetee ua fai lava i le tulaga fai faamalosia e aunoa ma so matou maliega o matou e ana le fanua ona o lo matou tuua tamā Au Agalevai na pulefaamauina lea vaega o le fanua.*

ASAU:

12. FSS.21.069T.4 – Suafa TUFUGA i Asau.

i) Talosaga FSS.21.069T.4 – Masivao Tufuga Efi Tufuga Pisa, Fuimaono Dominic F.Tufuga Pisa Schwalger faasaga ia Tufuga Misi, Tufuga Gafoa, Malie Selau, Motuga Tufuga.

- *Ia soloia ma faaleaogaina le nofo a Motuga Tufuga e pei ona faasalalauina mai i le Savali 28 Iulai 2022, ona ua sili atu a latou nofo mai numera o loo faatagaina mai e le Faaiuga, ma ia talosagaina foi ni moliaga faasaga i a'i latou o loo faapogai mai i le faasalalauga o lenei nofo ona ua latou soli le tulafono, ma ia talosagaina foi se poloaiga a le Faamasinoga e taofia ai Motuga Tufuga mai lona toe faaaogaina o le suafa Tufuga i faiganuu, ekalesia poo se isi lava nofoaga, o latou o suli o le suafa Tufuga i le itupaepae o Tufuga Leavaiseeta i le fuaifale o Vaega e pei ona aloaia i le pule a le Faamasinoga o Talosaga, e ala i le faaiuga ALC5136P26-P30 ma le ALC3655P1-P13 o le aso 17 Setema 2009, e le aia ile filifiliga a isi fuaifale e pei ona tuumavaevae mai e le pule a le Faamasinoga, ma ia tumuai tutusa uma i lalo o le faaiuga ua iai ia usitaia uma e fuaifale o lenei itupaepae le faaiuga a le faamasinoga.*

PAPA SATAUA:**13. FSS.22.075T.3 – Suafa MAIAVA o Papa Sataua.****i) Talosaga FSS.22.075T.3 – Lasoo Sopo, Tuivaione Faamoemoe, Usu Maiava Esau, Seualuga Talosaga *faasaga ia* 1. Saunoagamalii F.E Niumata, Pua Puava Niumata. 2. Talanoa Sale Lesatele, Vaelua Lomitusi, Vaelua Piliiale.**

- *Ia faamaonia nofo uma ua maea ona faia ele tiu tagi i le suafo Maiava o Papa Sataua ma faasalalau mai i le Savali 28/2/2022, o le suafo Maiava i Papa sataua o le matai ptiovao poo le matai tautua i le suafo Lasoo o Papa Sataua, ma e le feaiaa'i le suafo Maiava o Vaivaimuli Sataua ma le suafo Maiava e pulea e le suafo Lasoo o Papa Sataua, ma e teena le talosaga a le Itu Tetee 2 ona e ese lava le suafo Maiava a le suafo Lesatele i Vaivaimuli Sataua, ese le suafo Maiava a le suafo Lasoo i Papa Sataua, ma e teena le faalavelave a le itu tetee 1 ona ua maea ona logo lo latou tino ma sa auai i feiloaiga a le aiga ma o lea foi sa faatino a latou nofo i le faamoemoe o le aiga.*

SATAUA:**14. FSS.22.099T.2 – Fanua o OLOFETUU i Sataua.****i). Talosaga FSS.22.099T.2 – Valasi Luapitofanua Toogamaga Tafito Selesese, Lafai Alio Fomai Lafai, Lafai Ioane Lafai, Tuaila Seve Maleko, Ufagalilo Toogamaga Penitito Lafai, Uifagasa Keli Lafai, Taulupoo Denny Ropati *faasaga ia* Vaoliko Gafoaga, Vaoliko Lui Lusiano, Miki Vaoliko.**

- *Ia faatumauina pea le fale o le Itumalo i luga o lenei fanua ona ua iai le ioega ma le maliliega o suafo Lafai atoa ma suli uma o le suafo Lafai e faasino tonu iai lenei fanua ma ia teena le talosaga a le itu tetee e taofia ai ona latou toe aia pe fia puleaina le fanua o le suafo Lafai, ma o le fanua o loo fausia ai le Fale o le Itumalo o Olofetuu e pule ai le suafo Lafai e pei ona faamaonia i le LC2054 o le aso 17/04/1962, ma e tele foi fale mautu ma mea tumau a le itu tagi o loo i luga o lenei fanua, ae pei o le taimi muamua lenei ua faalavelave ai le itu tetee poo le suafo Vaoliko, ma e le feaiaa'i pe fesootei le faaiuga ALC.1851 o le aso 19/04/1962 o loo taua i le talosaga a le itu tetee ma le fanua o Olofetuu o loo fausia ai le fale i le pule a le suafo Lafai.*

FALEALUPO:**15. FSS.22.031T.5 – Suafa SEUMANUTAFa o Falealupo.****i) Talosaga FSS.22.031T.5 – Lalokava Seumanutafa Motu, Sio Seumanutafa faasaga ia Seumanutafa Faaolo.**

- *Ia faamaonia loa nofo a Lalokava ma Leeka pei ona faatinoina ai a laua saofai i totonu o le nuu ma le afioaga, ma o le itu tagi o suli moni o le suafo Seumanutafa i le itupaepae o Polagilagia o Falealupo, ae leo Faagalo pei ona taua i le talosaga a Seumanutafa Faaolo, ma o le faatinoina o nofo i le aso 22 Tesema 2021, sa faia ai saofai sa usu le nuu e tusa ai o tu ma aganuu ma faatino tulaga uma e masani ai, o lea e matua teena ai le vaega 3 o le talosaga a le itu tetee, ma sa faia foi ia nofo i luga o le maliega a suli uma o le suafo Seumanutafa Polagilagia i Falealupo.*

SIUTU SALAILUA:**16. FSS.22.001T.2 – Sailia o Suli Moni o Mulipola Vaeono i Siutu Salailua.****i). Talosaga FSS.22.001T.2 – Vivi Pisa faasaga ia Aumalesulu Toma.**

- *Ia taofia loa le itu tetee mai lo latou toe aiaina pe fia pulea le suafo Mulipola o Siutu e faasino i suli o Mulipola Vaeono ona e le o i latou o ni suli, o le itu tagi o suli moni o Mulipola Vaeono i lana usuga muamua ia Matau le alo o Faalauau i Foailuga, ma e le aia le itu tetee i le suafo Mulipola o Siutu lea e pulea e suli o Mulipola Vaeono, ma o le itu tetee e le o ni suli o Mulipola Vaeono ma o le a matou faamanino atili i le aso o le suesuega lo latou tupuaga.*

SILI:**17. FSS.22.132T.1 – Fanua o LUGAOLEVAI ma FUSI i Sili.****i) Talosaga FSS.22.132T.1 – Alofisa Potini Tonise, Tuipu Fiu Faalae, faasaga ia Faaola Sosaiete.**

- *Ia faamaonia loa o tuaoi uma e pei ona faaalua i le vaega 1 ma le 2 o lena talosaga, ma ua faauluina lena talosaga e tusa ai ma le faatagana ua tuuina mai i le tusi aso 19/11/22 e faamanino ai tuaoi, ma o le faamaninoina nei o le tuaoi o fanua e*

pei ona finau ai, Sasae ma Faaola Sosaiete le fanua o Toala Sosaiete e igoa o Fusi, Matu ma Fiu Alatupe lea sa nofoia e Fiu Laumata, Sisifo ma Faaola Ropati i le fanua e igoa ia Uilata, Saute ma le auala tele o le fanua foi o Fiu Laumata, Matu i Sisifo ma Fiu Tuitino, Saute Sisifo ma Faaola Pepe, ma ia faamaonia loa o le tuaoi i Sase lea e fia faamanino e afua mai i le pine Siamani i le itu i Sasae seia taunuu i le vaega tonu o le tuaoi na faatonuina e le Faamasinoga i le 2018, ina ia sailia pine o le lisi i le agai lea i le alatele, ma o le a silasila iai le faamasinoga i nei tuaoi pe a fofogaina lenei talosaga i se aso e tusa ma galuega faatino a le Ofisa o le Resitara.

SATUPAITEA:

18. FSS.22.128T.1 – Suafa TALAFU o Satupaitea.

i). Talosaga FSS.22.128T.1 – Talafu Gasu Iosefa faasaga ia Faatuiavae ma isi.

- *Ia teena suafa Talafu uma ma itu tetee e le suli mai ia Talafu Tiafau Semu Leoo, ma o le pule o le suafa Talafu o Satupaitea e iai lea i Suli o Talafu Tiafau Semu Leoo lea e suli mai ai le itu tagi, ma o suli faavae foi ia ma suli moni o le suafa Talafu o Satupaitea o suli o Talafu Tiafau Semu Leoo.*